


111 B



# DISCOVRS DES MISERES DE CE TEMPS.

A LA ROYNE MERE DV ROY.

Par P. de Ronsard Vandomois.

A LYON,

M. D. LXIII.



### DISCOVRS

# A ES DE CE TEMPS.

A EA ROYNE MERE

Day P. de Renfard Francismis.

A LYON,

M. D. LXIII.



## DISCOVRS A LA ROYNE

Par P. De Ronsard.



I depuis que le monde à pris commencement,

Le vice d'age en age eust prissaccroissement,

Il y a ia long temps que l'extreme malice

Hust surmonté le monde, & tout ne fut que vice.

Mais puis que nous voyons les hommes en tous lieux

Viure, l'vn vertueux, & l'autre vicieux, Il nous faut confesser que le vice difforme N'est pas victorieux: mais suit la mesme forme Qu'il auoit dés le jour que l'homme sut vestu (Ainsi que d'vn habit) de vice & de vertu.

Ny mesme la vertune s'est point augmentee, Si elle s'augmentoit sa force sut montee Iusqu'au plus haut degré: & tout seroit icy Vertueux & parsaict, ce qui n'est pas ainsu

a y

Or comme il plaist aux meurs, aux princes, & à l'age, Quelque fois la vertu abonde d'auantage. Et quelque fois le vice, & l'vn en se haussant Va de son compaignon le credit rabaissant, Puis il est rabaisse : à fin que leur puissance Ne preigne das ce monde vne entiere accroissance. Ainsi plaist à Dieu de nous exerciter, Ft entre bien & mal laisse l'homme habiter, Comme le marinier qui conduit son voyage Ores par le beau temps, & ores par l'orage. Vous (Royne) dont l'esprit prend plaisir quelque fois De lire & d'escouter l'histoire des Francois Vous scaues en voyant tant de fais memorables Que les siecles passes ne furent pas semblables. Vn tel Roy fut cruel, l'autre ne le fut pas, L'ambition d'yn tel causa mille debats. Vn tel fut ignorant, l'autre prudent & sage L'autre n'eut poit de cueur, l'autre trop de courage, Tels que furent les Roys, tels furent leurs subie Ets » Carles Roys sont tou sours des peuples les obie Ets. Il faut doncq' des ieunesse instruire bien vn prince, Afin qu'auec prudence il tienne sa prouince. Il faut premierement qu'il ait deuant les yeux La crainte d'vn seul Dieu: qu'il soit deuotieux Enuers la sainte Eglise, & que point il ne change

#### DE CE TEMPS.

La foy de ses ayeuls pour en prendre vne estrange. Ainsi que nous voyons instruire nostre Roy Qui par vostre vertu n'a point changé de loy. Las! Madame en ce temps que le cruel orage Menace les Francois d'vn si piteux naufrage, Que la gresle & la pluye, & la fureur des cieux Ont irrite la mer de vens seditieux, Et que l'astre iumeau ne daigne plus reluyre. Prenés le gouvernail de ce pauvre nauire, Et mauore la tempeste, & le cruel effort De la mer, & des vens, conduisés-le à bon port. Las! qui sera bien tost & proye & moquerie Des princes estrangers, s'il ne vous plaist en bref Par vostre autorité appaiser ce mechef. Ha que diront là bas soubs les tombes poudreuses De tant de vaillans Roys les ames genereuses! Que dira Pharamond! Clodion, & Clouis! Nos Pepins! nos Martels! nos Charles, nos Loys! Qui de leur propre sang versé parmy la guerre, Ont acquis à nos Roys vne si belle terre? Que diront tant de Ducs, & tant d'hommes guerriers Qui sont morts d'vne playe au cobat les premiers? Et pour Frace ont souffert tat de labeurs extremes La voyat auiourd'huy destruite par nous mesmes? Ils se repentiront d'auoir tant trauaillé

a iij

Querelé, combatu, guerroyé, bataillé Pour vn peuple mutin divisé de courage Qui pert en se iouant vn si belheritage: Heritage opulent, que toy peuple qui bois De l'Angloise Tamise, & toy more qui vois Tomber le chariot du soleil sur ta teste, Et toy race Gottique aux armes tousiours preste Qui sens la froide bise en tes cheueux venter Par armes n'auez sceu ny froisser ny domter. Car tout ainsi qu'on voit vne dure coionee Moinsreboucher son fer, plus est embesoignee A couper, à trancher, & à fendre du bois, Ainsi par le trauail s'endurcist le Francois: Lequel n'ayant trouve qui par armes le domte De son propre cousteau soymesmes se surmonte. Ainsi le sier Aiax sut de soy le veinqueur, De son propre consteau se transperceant le cueur. Ainsi Romme iadis des choses la merueille, Qui depuis le rinage on le Soleil s'eneille, Iusques à l'autre bord son empire estendit, Tournant le fer contre elle, à la fin se perdit. C'est grand cas que nos yeux sont si plains d'vne nue, Qu'ils ne cognoissent pas nostre perte auenue, Bien que les estrangers qui n'ont point d'amitié A nostre nation, en ont mesme pitié

#### DE CE TEMPS

Nous sommes accables d'ignorance si forte, Et lies d'un sommeil si paresseux, de sorte Que nostre esprit ne sent le malheur qui nous poigt, Et voyans nostre mal nous ne le voyons point. Des long temps les escrits des antiques prophettes, Les songes menacans, les hydeuses comettes, Nous auoient bien predit que l'an soixate & deux Rendroit de tous costés les Francois malheureux, Tues, assassines: mais pour n'estre pas sage, Nous n'auons jamais creu à si divins presages, Obstines, aueugles: ainsi le peuple Hebrieu N'adioutoit point de foy aux prophettes de Dieu: Lequel ayant pitié du Francois qui foruoye, Comme pere benin du haut Ciel luy enuoye Songes, & visions, & prophettes, afin. Qu'il pleure, & se repente, & s'amende à la fin. Le Ciel qui a pleuré tout le long de l'annee Et Seine qui couroit d'vne vague efrence, Et bestail & pasteurs largement rauissoit, De son malheur futur Paris auertissoit, Et sembloit que les eaux en leur rage profonde Voulussent r'enoyer une autrefois le monde. Celà nous predisoit que la terre, & les cieux

Menacoient nostre chef d'vn mal prodicieux. O toy historien qui d'ancre non menteuse Escrits de nostre temps l'histoire monstrueuse,

Raconte à nos enfans tout ce malheur fatal, Afin qu'en telisant ils pleurent nostre mal, Et qu'ils prennet exeple aux pechez de leurs peres, De peur de ne tomber en pareilles miseres.

De quel front, de quel œil, ô siecles inconstans!

Pourront ils regarder l'histoire de ce temps!

En lisant que l'honneur, & le sceptre de France
Qui depuis si long aage auoit pris accroissance,
Par yne Opinion nourrice des combats,
Comme yne grande roche, est bronché contre bas.

On dit que Iupiter faché contre la race

Deshommes qui vouloient par curieuse audace
Enuover leurs raisons iusqu' au Ciel, pour scauoir
Les haults secrets divins que l'homme ne doit voir,
Vn iour estant gaillard choisit pour son amye
Dame Presomption, la voyant endormie
Au pie du mont Olympe, la baisant soudain
Conceut l'opinion peste du genre humain:
Cuider en sut nourrice, fut mise à l'escolle
D'orgueil, de fantasie, de ieunesse folle.
Elle sut si enslee, en si pleine d'erreur

Que mesmes à ses parens elle faisoit horreur. Elle auoit le regard d'yne orgueilleuse beste. De vent & de sumee estoit plaine sa teste. Son cueur estoit couus de veine affection,

#### DE CE TEMPS.

Et soubs vn pauure habit cachoit l'ambition.

Son visage estoit beau comme d'vne Sereine.

D'vne parolle douce auoit la bouche pleine.

Legere elle portoit des aisles sur dos:

Ses iambes & ses pieds n'estoient de chair ny dos

Ils estoient faits de laine, & de cotton bien tendre

Afin qu'a son marcher on ne la peut entendre.

Elle se vint loger par estranges moyens Dedans le cabinet des Theologiens,

De ces nouveaux Rabins, & brouilla leurs coura= Par la diversité de cent nouveaux passages (ges Afin de les punir d'estre trop curieux Et d'avoir eschelle comme Géants les cieux.

Ce monstre que i'ay dit met la France en campaigne, Mendiant le secours de Sauoye, & d'Espaigne, Et de la nation qui prompte au Tabourin Boit le large Danube, & les ondes du Rhin.

Ce monstre arme le fils contre le propre pere,

Et le freré ( ô malheur) arme contre son frere.

La sœur contre la sœur, & les cousins germains,

Au sang de leurs cousins veulet tréper leurs mains

L'oncle fuit son nepueu, le serviteur son maistre,

La femme ne veut plus son mary recognoistre.

Les enfans sans raison disputent de la foy,

Et tout à l'abandon va sans ordre & sans loy.

L'artizan par ce monstre a laise sa boutique, Le pasteur ses brebis, l'Aduocat sa pratique, Sanefle marinier: (a foire le marchand, Et par luy le preudhomme est deuenu meschant. L'escollier se desbauche, & de sa faux tortue Le Laboureur faconne vne daque pointue, Vne pique guerriere il fait de son rateau, Et l'acier de son coultre il change en vn couteau. Morte est l'autorité: chacun vit à sa guise Au vice desreigle la licence est permise, Le desir, l'auarice, & l'erreur incense Ont sans dessus-dessoubs le monde renuersé. On a fait des lieux sain Etz vne horrible voirie, Vn assassinement, or vne pillerie: Si bien que Dieun'est seur en sa propre maison, Au ciel est revollee, & Instice, & raison, Et en leur place helas! regne le brigandage, La force, les cousteaux, le sang & le carnage. Tout va de pis en pis : les Cités qui viuoient Tranquilles ont brise la foy qu'elles deuoient: Mars enflè de faux zele & de vaine apparence Ainsi qu' vne furie a vite nostre France: Qui farouche à son prince, opiniastre suit L'erreur d'vn estranger, qui folle la conduit. Tel voit on le Poulein dont la bouche trop forte

#### DE CE TEMPS.

Par bois & par rochers son escuyer emporte, Et maugré l'esperon, la houßine, & la main, Se gourme de sa bride, & n'obeist au frein: Ainfi la France court en armes diuisee, Depuis que la raison n'est plus autorisée. Mais yous Royne tressage en voyant ce discord Pouves, en commandat, les mettre tous d'accord: Imitant le pasteur qui voyant les armees De ses mouches à miel fierement animées Pour soustenir leurs Roys, au combat se ruer Se percer, se piquer, se naurer, se tuer, Et parmy les assauts forcenant pesle mesle Tomber mortes du Ciel außi menu que gresle, Portant vn gentil cueur dedans vn petit corps: Il verse parmy l'aer vn peu de poudre: & lors Retenant des deux Camps la fureur à son aise, Pour In peu de sablon leur querelles appaise. Ainsi presque pour rien la seulle dignité De vos enfans, de vous, de vostre autorité Que pour vostre vertu chaque estat vous accor Pourra bien appaiser vne telle discorde. de)

O Dieu qui de la haut nous enuoyas ton fils, Et la paix eternelle auecque nous tu fis, Donne (ie te supply) que cette Royne mère b ÿ

Puisse de ces deux Camps appaiser la colere. Donne moy de rechef que son sceptre puissant Soit maugré le discord en armes fleurissant. Donne que la fureur de ce Monstre barbare Aille bien loing de France au riuage Tartare. Donne que nos harnois de sang humain tachez Soient dans vn Magasin pour iamais attachez. Donne que mesme loy vnisse nos prouinces Vnissant pour iamais le vouloir de nos princes, Ou bien, (O Seigneur Dieu) si les cruels destins Nous veullent saccager par la main des mutins, Donne que hors des poings eschape l'alumelle De ceux qui soustiendront la mauuaise querelle. Donne que les serpens des hideuses Fureurs Agitent leurs cerueaux de Paniques terreurs. Done qu'en plein midy le iour leur semble trouble, Donne que pour vn coup ils en sentent vn double, Donne que la poussiere entre dedans leurs yeux: D'vn esclat de tonnerre arme tamain aux cieux, Et pour punition eslance sur leur teste, Et non sur vn Rocher, les traiz de ta tempeste.

O Dien qui de la hay ar ar on fils, Erla pains eterne le adecence nous fu fis-

Daine (iete / 17/6) sque certe Royne of



